



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia VWestfaliæ

Schaten, Nicolaus

Nevhvsii, 1690

Quinta ejusdem Pontificis Epistola, quâ veterum etiam Saxonum
conversionem ferventissimus Pontifex complexus, sic habet.

urn:nbn:de:gbv:3:1-367846

baptizati sæpius sunt probati. Ministeria atque ornatum Ecclesiæ, vel quidquid illud est in patrimonio ejusdem; non minuire studeat, sed augere. De reditu vero Ecclesiæ, vel oblatione fidelium, quatuor faciat portiones, quarum unam sibi ipse retineat, alteram clericis pro officiorum sedulitate distribuatur, tertiam pauperibus et peregrinis, quartam ecclesiasticis fabricis noverit reservandam; de quibus divino erit iudicio redditurus rationem. Ordinationes vero presbyterorum, sive diaconorum, non nisi quarti, septimi, et decimi mensis jejunii, sed et in ingressu quadragesimali, atque medio, vespere sabbati noverit celebrandas. Sacrosancti autem baptismi sacramentum, non nisi in paschali festivitate et pentecosta noverit esse præbendum, exceptis ijs quibus mortis urgente periculo, ne in æternum pereant, talibus oportet remediis subvenire. Huic ergo sedis nostræ præcepta servanti devotis animis obsequi vos oportet, ut irreprehensibile placitumque fiat corpus Ecclesiæ, per Christum Dominum nostrum, qui vivit et regnat cum Deo patre omnipotente, per omnia sæcula sæculorum. Deus incolumes vos custodiat dilectissimi. Data Kalendis Decembris, imperante Domnopiissimo Augusto Leone à Deo coronato magno imperatore, anno VII. Sed et Constantino magno imperatore ejus filio anno IV. indictione VI.

Quinta ejusdem Pontificis Epistola, quâ veterum etiam Saxonum conversionem ferventissimus Pontifex complexus, sic habet.

Gregorius Papa universo populo provincie Alt Saxonum.

Sapientibus et insipientibus debitor sum, fratres charissimi, ideoque volens vos scire, qualem sollicitudinem habeam pro vobis, et pro his, qui verbum exhortationis fidei Jesu Christi Domini nostri susceperunt, et qui adhuc suscepturi sunt, ut consolentur corda vestra instructa in charitate, et in omni plenitudine sapientiæ annuntio vobis, quoniam prope est regnum Dei, ut nemo vos amplius decipiat in sublimitate verborum, aut in quocunque metallo salutem vestram queratis, adorantes idola manufacta, aurea, argentea, ærea, lapidea, vel de quacunque materia facta, quæ falsidica nomina à paganis antiquitus quasi diis facti sunt, in quibus Demones habitare noscuntur, quoniam omnes dii gentium, ut ait scriptura, Dæmonia sunt, Deus autem noster celos ^{Ps. 95.} fecit. Quicumque autem in vobis susceperit Christum Jesum Dominum nostrum, in ipso ambulent radicati, et super adificati, et confirmati in fide, abundantes in gratiarum actione. Videte ne quis vos amplius decipiat per Philosophiam ^{Coloss. 2.} et inanem fallaciam. Astutiores enim sunt filii tenebrarum, quàm filii lucis. Discedite ab Idolorum cultura, et accedite, et adorare Dominum ^{Luc. 16.} Deum nostrum, qui fecit cælum et terram, mare et omnia quæ in eis sunt: et vultus vestri non erubescant. Unus enim Dominus hominum, volucrum, quadrupedum et piscium, qui est benedictus in sæcula sæculorum. Exspoliare vos veterem hominem, et induite Christum novum, deponentes iram, indignationem, malitiam, blasphemiam, turpem quoque sermonem nolite de ore vestro

vestro proferre. Jam enim ad vesperascit dies sæculi, et appropinquat tempus tenebrarum. Ideoque nolite esse otiosi, sed potius operamini opus bonum, ut Christus habitet in vobis, et quodcunque facitis in verbo aut in opere, omnia in nomine Domini nostri Jesu Christi, gratias agentes Deo patri per ipsum: respicientes gentilitatis sectam, scientes vos Dominum habere in cælis. Orationi instantes, ad ipsum Dominum cor erigite: quoniam magnus est Dominus Deus noster, et laudabilis nimis, et terribilis super omnes Deos: qui vult omnes homines salvos fieri, et ad agnitionem veritatis pervenire. Hoc etiam commoneo fratres, ut quicumque voluerit ex vobis ad Christum converti, nullo modo eum prohibeatis, nec vim ei faciatis, sculptilia adorare. Ministrum quoque et conservum in Domino, quem misi ad vos, Bonifacium fratrem ac Coepiscopum meum ad hoc ipsum ut cognoscat, quæ circa vos sunt, et consoletur corda vestra cum exhortationis verbo, in Jesu Christo Domino nostro suscipite, ut à Diabolica fraude liberati mereamini adoptionis filiis aggregari.

Haud alij hi antiqui Saxones, quàm qui medij inter Thuringos, Hassos, & Frisones veterem Franciam regionemque inter Rhenum & Visurgim incolebant, & sub Carolo M. Westphali appellari cœperunt, quemadmodum id supra de origine Saxonum à nobis assertum est, quod & à Serrario alijsque comprobatur. Nihil Pontifici consultius visum, nihil Bonifacio Germanorum Apostolo magis in voto erat, quàm Christi religionem ijs quoque populis annunciare; quando jam Thuringia & ipsa Frisia Evangelium receperat. Igitur Bonifacius postquam Germaniam est ingressus, primum se ad Carolum Martellum contulit. Jam dudum viri famâ ad se perlatâ expetijt Martellus videre Bonifacium; sed cum malevolorum sermonibus ac depravatis judicijs perfrictus esset apud Ducem, non continuo admissus est. Post ubi exhibitis Pontificis literis coram auidijt differentem, spirantemque è vultu religionis zelum, æstimavit virum, datisque ad præfectos suos per Thuringiam & Hassiam literis, cum auctoritate dimisit: eæ verò literæ sic habent.

Othlonus.
S. Ludger. in
Bonif. vita
Serrar. in
Adagunt.
Tom. 17.
concil. Re-
gior. Par.

CAROLI MAJORIS DOMUS

EPISTOLA GENERALIS.

De suscepto in tuitionem ac defensionem Episcopo Bonifacio.

Dominis sanctis & Apostolicis in Christo Patribus Episcopis, Ducibus, Comitibus, Vicariis, domesticis, seu omnibus agentibus junioribus nostris, seu missis decurrentibus, & amicis nostris, illustris vir Carolus Major Domus bene cupiens
vester.

Cognoscatis qualiter Apostolicus vir, in Christo Pater, Bonifacius Episcopus ad nos venit, et nobis suggessit, quod sub nostro mundeburelo vel defensione eum recipere deberemus. Quod ita gratanti animo nos fecisse cognoscite. Proinde ergo taliter ei manus nostra roboratam dare visi sumus, ut ubique